

↑
↑
↑
↑




831874

黃忠楚
陶孟

十式

嘉定教育會藏版



光緒己卯重刊

上海時中書局印行



欽定四庫全書提要

陶菴集二十二卷明黃澶耀撰澶耀有山左筆談已
著錄澶耀湛深經術刻意學古所作科舉之文精
深純粹一掃明季剽摹譎怪之習而平日力敦古
誼尤能以躬行實踐爲務毅然不爲榮利所撓如
吾師自監諸錄皆其蚤年所討論學之語趨嚮極
其醇正而平易可近絕無黨同伐異之風足以見
其所得之遠文章和平溫厚矩矱先民詩亦渾雅
天成絕無儒響於王李鍾譚餘派去之唯恐若浼

陶菴集

卷首

提要

可謂矯然拔俗卒之致命成仁垂芳百世卓然不
愧其生平可以知立言之有本矣集爲其門人陸
元輔所輯見於明史者十五卷此本爲文七卷文
補遺一卷詩八卷詩補遺一卷吾師錄一卷自監
錄四卷共二十二卷乃後人續加增輯以行者也

欽定勝朝殉節諸臣錄

通諡忠節

進士黃澗耀嘉定人力學敦行闡脩自好嘉定破
愾然入僧舍索筆書絕命詞縊死弟淵耀從之

陶菴集

卷首

殉節錄

二

蘇鑑忠節

寶和牌依前出給

明史儒林傳

黃澗燿字縑生嘉定人爲諸生時深疾科舉文浮靡淫麗乃原本六經一出以典雅名士爭務聲利獨澹漠自甘不事微逐崇禎十六年成進士歸益研經籍繙袍糲食蕭然一室京師陷福王立南都諸進士悉授官澗燿獨不赴選及南都亾嘉定亦破愾然太息偕弟淵燿入僧舍將亾盡僧曰公未服官可無死澗燿曰城亾與亾豈以出處貳心乃索筆書曰宏光元年七月四日進士黃澗燿自裁於西城僧舍嗚呼進不能宣力王朝退不能

陶菴集

卷首

史傳

三

能潔身自隱讀書寡益學道無成耿耿不沒此心而已遂與淵燿相對縊死年四十有一澗燿弱冠卽著自監錄知過錄有志聖賢之學後爲日厯畫之所爲夜必書之凡語言得失念慮純雜無不備識用自省改晚而充養和粹造詣益深所作詩古文悉軌先正卓然名家有陶菴集十五卷其門人私謚之曰貞文淵燿字偉恭諸生好學敦行如其兄

重刊黃忠節公陶菴集序

陶菴集之重刊也經始於己卯藏事於辛巳童君

式穀

宋甥

道南

實經理之缺者斟補訛者是正又將年譜及

諸家感慕詩文悉為增入因序之曰先生忠節文章彪

炳天壤且聞道甚早洵為勝國純儒以視薛敬軒陸桴

亭无多讓焉豈僅為一鄉一邑之表率哉夫士君子處

太平無事之時讀書養氣窮達一節斯為聖賢之徒若

丁陽九百六之會則見危授命此遇變而出以常經非

素有定識定力者不能也吾嚶自南宋建縣地處瀕海

陶菴集

卷首

四

民物朴質其以忠節箸者有孫氏察高氏整以下若而

人以文章名者有黃氏聰秦氏輔之及王常宗彝徐太

室

學謨

殷無美

都

以下若而人均載邑乘而以忠節兼

文章者則侯廣成

峒曾

而下屈指可數而尤以先生為

最或曰先生既成進士未官於朝即不死而終身稱前

進士寂居家弄棲隱如徐俟齋王而農亦何不可者不

知先生既徇邑人守城之請遂赴城以與之義是蓋


合乎孔曰成仁孟子曰取義之旨益以見適道之勇也

禾

生先生鄉讀其書熟悉其行事固知先生之為人如日

星河嶽焯然不可磨滅又攷 四庫全書提要于是集
極爲推許而朱檢討陸清獻王光祿諸公序文類能闡
揚盡致 禾 又烏庸贅言惟是兵燹琦經流傳日寡鄉邦
後進懼其散佚鳩資重刊之爰識簡端以述厓畧云
光緒八年龍在辛巳仲冬邑後學周文禾敬譔時年七

十有五



陶菴集

卷首序

五

十有正

光緒八年龍在辛巳仲冬邑後學周文禾敬譔時年七
十有五
西庫全書提要于集

陶菴集嘉道時家置一編皆陶刻本咸豐初板燬於兵
燹是集遂如吉光片羽羣以不獲習見爲憾夫公之成
仁取義卓然爲吾邑第一人物本不以區區詩文取重
而後學景仰前哲往往讀其著作想見其爲人如集中
自監吾師繇已諸錄雖公自道其進德之方實示學者
以修業之徑乃知公之致命荒菴從容就義其讀書養
氣正非一朝一夕之故矣則是集重刊傳世曷可緩哉光
緒己卯春爰糾同志搜羅校勘就陶刻本增入繇己錄
卷末仍以原本公弟谷簾先生所箸附入至辛己冬而

陶菴集

卷首 跋

六

竣事焉每一展卷覺公之忠靈正氣奕奕行閒讀是集
者尙由立言而景其立德也可邑後學童式穀菽原甫

跋

非一

一

一

一

一

一

一

一

跋

非一

一

一

一

一

一

一

一

跋

非一

一

一

一

一

一

一

一

跋

非一

一

一

一

一

一

一

一

跋

非一

一

一

一

一

一

一

一

跋

非一

一

一

一

一

一

一

一

跋

非一

一

一

一

一

一

一

一

重刊凡例

一先生古今體詩八卷為侯氏記原研德陸氏翼王張氏懿實所輯虞山錢氏刊於絳雲樓厥後翼王復輯文集五卷史記論略一卷吾師錄一卷合詩集為十五卷南翔陸氏扶照刊於陶圃乾隆中溧水陶氏澹泉增輯詩古文補遺三卷自監錄四卷為二十二卷刊於寶山學署卽 四庫所著錄本也今以補遺依類隸入各卷以繇已錄附益之仍

編為二十二卷

陶菴集

卷首

凡例

七

一先生所著尚有詩劄四書大旨史記質疑

疑卽史記論略

知過錄山左筆談

案先生年譜僅於癸未六月計偕北行於山左未嘗久厯也故

四庫存目亦疑是書為偽託

均已散佚無從蒐訪詩文雜箸閒

為陶氏補遺所未及則從諸家輯錄補刊北客行痛哭諸詩則從錢氏初刊本補刊字蹟或經音人塗抹不能復辨姑從闕疑

一陸氏陶氏刊本均在 四庫館未開之前序跋外

祇錄史傳行狀及記略數則今恭錄提要及殉節錄冠諸卷首傳文象贊年譜墓表祠記依次增入

諸家詩文記載彙爲附錄遺漏尙多統俟續輯

一 陳氏所輯年譜載先生生平出處交游著述及守城殉節事甚詳閒及瑣事無關大節似可從略詩文均已補刊入集亦無庸複載

一 偉恭先生谷簾學吟一卷爲侯氏鳳阿及先生季弟殿雯所輯陸氏附刊集後陶刻仍之嘉慶中邑人別刊谷簾遺書五種題爲秦氏雲津編輯卷端總序撰於雍正丁未已稱陶菴先生爲忠節公

欽定勝朝殉節諸臣錄於乾隆四十年頒行雍正中不應先有是諡 存誠錄序

陶菴集

卷首

凡例

八

亦不見於陶菴集均爲後人僞託無疑今仍以侯氏所輯五十一首附刊集後

光緒己卯同人議重刊黃忠節公陶菴集屬任編校辛巳冬刊成謹發凡起例如右宋道南識

陶菴集總目

卷首

欽定四庫全書提要

欽定勝朝殉節諸臣錄

明史儒林傳

序

跋

凡例 以上俱載前

總目

陶菴集

卷首

總目

舊序

舊跋

傳

行狀

象贊

年譜

墓表

祠記

附錄

參訂姓氏

助刊姓氏

卷弟一

論

辨

議

卷弟二

序

跋

陶菴集

卷首

總目

卷弟三

表

策

卷弟四

啟

書

卷弟五

傳

祭文

十

哀辭

卷第六

雜著

卷第七

史記論略

卷第八

吾師錄

卷第九

自監錄

陶菴集

卷首

總目

卷第十

自監錄

卷第十一

自監錄

卷第十二

自監錄

卷第十三

繇已錄

卷第十四

錄已錄

卷第十五

詠史樂府

卷第十六

和陶詩

卷第十七

四言詩

卷第十八

五言古詩

陶菴集

卷首

總目

七言古詩

卷第十九

五言律詩

卷第二十

七言律詩

卷第二十一

五言排律詩

卷第二十二

絕句

卷末

谷簾學吟 象贊 序 跋

陶菴集

卷首

總目

三

陶菴集總目

舊序

黃陶菴先生死忠之五年其門人陸翼王收其遺文得
所論著百餘篇屬予爲之序嗚呼陶菴之文止於此而
已乎當其城陷引決投筆絕命搃吭而死翼王訪求搜
購於流離煨燼之中遺編斷爛什不一存此可爲流涕
歎息者也陶菴深沈好書於學無所不闕居常獨坐一
室不交當世遷固以下諸史朱黃鉤貫略皆上口其於
攷據得失訓詁異同在諸儒不能通其條要陶菴頓五
指而數之首尾通涉銖兩厯然雖起古人面與之讐問
陶菴集

卷首

舊序

古

莫能難也其爲人清剛簡貴言規行矩蚤有得於濂雒
之傳嘗謂人曰吾比來爲文初無所長然皆折衷大道
稱心而立言質之於古驗之於今其不合於理者亦已
少矣此其一生讀書之大略也當先皇帝初年海內方
鄉古學一二通人儒者將以表章六經脩明先王之道
爲務乃曲學詭行則又起而乘之依光揚聲互相題拂
剽取一切堅僻之辭以欺當時而誤流俗論者不察乃
比其始事者同類而訾之噫此亦不思之甚矣世之降
也先王之教化旣熄法度旣亾人奮其私智家尙其私

學秣雜糅蟠戾於天下雖有高世之君子欲整齊而分別之其道無繇惟夫忠孝大節皆出於醇正博洽之儒其似是而非者不一見焉然後天下後世瞭然知異學之當誅而大雅之可尚以觀我陶菴非其人邪陶菴爲諸生二十年與其弟偉恭其徒侯幾道雲俱其友夏啟霖輩晝夜講性命之學晚而後遇不冝就官城破之日師友兄弟同日併命今其書雖不全使讀之者愾然想見其爲人益足以徵於今而信於後無疑矣翼王以五年之力撥輯散亾其有功於斯道不細固不專爲陶菴已也吾故表而出之俾後之人知所習焉己丑秋九月太倉社弟吳偉業題於梅村舊學菴

陶菴集

卷首

舊序

五

嘉定黃陶菴先生諱濇耀字蘊生舉崇禎癸未進士卓然爲命世眞儒抗節致命乙酉之難聞者皆斂色正容以爲今之顏清臣文履善沒後十餘年而其徒侯子元泓作爲行狀文直事核無愧良史陸子元輔張子懿實侯子元汭張子瑄輩相與排纘遺文錄爲全集諸子以陶菴於予有知己之言屬爲其序予頃者屏居江村追念平生師友輯高陽孫文正公吉水李忠文公之文手

自撰次以示來者又得陶菴之集而卒業焉乃喟然而歎曰孟子有言誦其詩讀其書不知其人可乎予於此三君子者既得而師之友之矣請因其文以知其爲人高陽之爲人奇偉沈塞如高山深林龍虎蟠伏嘘雲吸風變化莫測是故盤紆隱深彌望儻莽重巖增起波瀾灑滢使人可仰不可跂者高陽之文也吉水之爲人莊嚴易直如苞鳳角麤不驚不搏音中鐘律行應規矩是故正色讜言指事陳理如藥應病如坊止水使人可用而不可狎者吉水之文也陶菴之爲人清真高簡如圭

陶菴集

卷首

舊序

去

瓚黃流不雜瓦缶冰壺玉衡宜懸清秋是故凜凜懷霜眇眇臨雲懸匏眾清朱弦三歎使人可愛而不可求者陶菴之文也有志於尙友者讀三君子之文而知其須眉如在馨欬不遠弔碧血於同時激丹心於終古其亦可以無憾矣乎嗚呼賢人君子其身既與社稷終始而其文章則有鬼神護呵側出於劫灰煨燼之餘然吾循覽其文志意發越元氣鬱盤求其彫傷殄瘁之象而不可得也既而歌陶菴之詩出風入雅含宮咀商有鶴鳴沔水殷勤諷諫之志而無大東正月哀思嚙殺之詞亂

世之音無之而況於亾國乎古之善琴者秋而叩角則
溫風徐迴艸木發榮冬而叩徵則陽光熾烈堅冰立散
當斯時也而賢人君子之文無恙比律協呂激夾鐘而
發麤賓造化其能舍諸吾竊疑卜子夏之論詩與孟子
之論世殆至於今而有驗有不驗也予老學耄忘撫卷
而茫然自失陶菴之徒郵傳其師之緒言於天人之際
審矣故推言之以發其端如以文而已矣陶菴固不待
文而顯而其文亦不待序而傳序雖不作可也庚子冬

十月虞山錢謙益撰

陶菴集 卷首 舊序

七

陶菴先生之文一序於婁東再序於虞山自虞山之序
出寘其人於高陽吉水之間若三精之麗天殆猶季子
陳樂所謂觀止矣茂以加矣然陶菴所以爲文者卽於
人而得之虞山猶有引而未發者乎世之論文者皆知
剽販塗澤之爲病不知子雲之法言猶剽販也元和之
雅頌猶塗澤也爲其離文與人而二之也昔宋景濂譏
退之經訓菑畬之說以爲學經而止爲文章之本陋之
乎學經矣誠哉是言千古文人能免斯陋者有幾若陶
菴斯可謂能學經也矣陶菴生於有明之季其時慕功

名者溺於富貴工藝文者汨於詞章不復明聖賢之學
昧於利義之辨陶菴屹立於狂瀾之表卽所爲帖括皆
粹然儒者之言况所謂詩古文乎此合文與人而一之
者也故其原本經術穿貫史學可與景濂相匹而天資
清灑脫略塵穢曠然寵辱之外又有陳公甫之風是以
論其學問詩文在潛谿白沙之間若夫涵養完粹卽當
致命遂志之時不異春風沂水之境此其內外澄澈唯
侯子研德作狀能言其人與文之所以然蓋研德爲陶
菴入室弟子其學問指授得之有自故能表裏綜括虞

陶菴集

卷首

舊序

六

山稱其文直事核無愧良史殆有以也惜研德遽逝安
得有吳立夫其人者序滄海遺錄使研德之文同龔聖
子之傳文陸二公並垂不朽乎窮老如予方退耕荒浦
雖陶菴有子能讀父書然貧不自振羈子甥館採稻養
母瘠子羸妻爨焉一室又遑問前人所著之書乎今陶
菴遺文捃摭編輯者始於陸子翼王而研德實贊之顧
初刻未竟又二十年而張子德符復貿產以竣之若其
始終維護卒使成於及門之手則侯子記原之心有獨
苦者唯予知之於戲青簡雖新化血已碧記原猶謂景

濂爲吳立夫門人以淵穎謚其師今陶菴之學實同景
濂而夫子之門曾不得以景濂之事其師者事夫子乎
攷諸謚法清白守節曰貞道德博聞曰文夫子實無忝
焉遂與張陸諸子告謚貞文予不禁慨然太息慨自東
京故家文獻彫零三十餘年琬璫奚寄今陶菴旣得哀
刻其文復有狀以詳其行謚以節其惠師生存沒於焉
無負視世之依附門牆生榮則親沒則已焉者又何如
也書成謹識數言附錢吳兩公之後時康熙丙辰春二
月晦日同邑年弟蘇淵拜撰

陶菴集

卷首

舊序

九

君子之學一於誠而已以之治心而心正以之決事而
事無可疑察乎幾微旣福之萌信諸進退出處死生之
際孔子曰篤信好學守死善道夫惟誠立乎中斯毅然
有不可奪之節蒙難不失其正順道而死蓋雖圭璧析
於前而不顧刀鋸鼎鑊懲於後而視之若無物也齊之
虞人招以旌不往孔子取之孟氏以爲枉己未有能直
人者則聖人之所守可知已接淅而去齊不稅冕而去
魯是豈官應公山不狃佛解之召者故曰可以止而止
可以處而處孔子也顧後世躁進若揚雄之徒每援聖

人以自文其過其進也不以禮其祿也非其道幾微旣
福之不明進退出處死生之未能信善道之謂何無他
誠未立於中宜所守之易奪矣嘉定黃先生諱溇耀字
蘊生別字陶菴平居講聖賢之學躬行而不倦崇禎十
六年秋賜進士出身未授官歸越二年殉難以死同里
門人陸元輔輯其詩若干卷雕刻行之又搜其遺文僅
四十餘首藏之笥元輔請彝尊序受而讀之其言和以
舒其析理也審以辨其援據經史博而不誣所謂脩辭
立其誠者非與於是先生之沒三十年矣誦其文恍若

陶菴集

卷首

舊序

三

觀其容而聆其警歎信夫有道之言之入人深也嗚呼
以先生大節如彼其學業文章又如此宜其於人少可
而多怪今觀集中論學書絕去儒者黨同伐異之習是
尤恆人之所難能也講學莫盛於宋然汴京臨安之隘
道學諸臣以身殉國者不數見至於明死靖難則有若
方公季孺元闈旤則有若高公攀龍而山陰劉公宗周
漳浦黃公道周與先生後先自靖咸以道學兼忠節卽
宋儒有未逮焉而元輔以兵戈倏擾之餘能集其師之
遺文俾無失墜亦可謂篤信之君子已秀水朱彝尊錫

陶撰

予自束髮受書卽讀陶菴先生之文見其精深純粹高者可以羽翼經傳下者可以凌轡韓歐心竊慕之以爲是何如人而其文之超軼絕倫如此及聞先生從容就義慨然太息謂先生於死生之際不苟如此志與日月爭光而行與天地同久宜其發爲文章精純超絕協金石而中宮商也旣又思之自變故以來平日談忠孝講仁義之徒臨利害而喪其所守者何可勝數而先生獨毅然不變人之所隱忍徘徊而不能決者先生視之若渴飲飢食之不容已夏葛冬裘之一定而不待擬議也此豈可以強至而卒辦哉蓋其所積者厚而所養者深矣及待罪先生之鄉見其遺老訪問先生之平生則羣以爲先生平日孝友忠信取與不苟泊然於富貴而發憤於正學孜孜矻矻惟以聖賢爲己任而世俗之塵埃不足以入之嗚呼此其所以能臨利害而不變也與自世教之衰士不知以廉隅自飭謂正學爲迂闊謂功利爲不可已遇小利害則攘臂而起蠅聚螻逐無所復顧平日之志氣如此欲其臨大節而不可奪豈不難哉由

陶菴集

卷首

舊序

三

是發爲文章不入於卑陋則病於雜駁雖欲彌縫潤色
自附前賢如甕人之裘爲富貴非其所有張皇支吾百
病俱見無怪也故予以爲先生之文本乎行先生之行
所以能卓犖於臨變者本於平日之養士苟能以先生
之養爲養自然險夷如一履變則爲歲寒之松柏處盛
則爲高岡之鳴鳳皆是物也區區文章之焜耀何足道
邪不然雖文如先生猶不足貴也而況乎其必不能哉
因先生之門人裒集遺文以傳而爲之推論其本俾世
之學先生者知所取則焉當湖陸隴其撰

陶菴集

卷首

舊序

三

往者先生盡節之年予未有知識其後從時文中稍稍
習其姓字每手一篇輒慕思不置維時先君子顧而命
曰童子欲知若人乎乃詳示先生殉國狀且曰是嘗有
古文辭卓然成一家言今存軼不可知惜汝未及見也
良年識之不敢忘比歲無事發故篋得有明文章數十
家次第甲乙之取其言之不悖於道可傳於後者類爲
一書自遜志齋集迄震川集才五家而止最後乃得先
生文五十首掇其尤者十有七篇蓋自先生盡節以來
思其文而不得見者二十有五年而所得止此然先生

遺橐寶未盡也當明之季士大夫

寡

廉鮮恥卽平日自號爲能文章侃侃議論而臨事濡覩
貪祿苟活其末路有不可言者先生成進士甫二年國
亡義不獨生於城破之日慷慨自裁非有刀鋸之迫於
前而視死如歸何其偉也及觀先生集中當諸生時所
作已惓惓於君父之際至甲申哭友文則有曰庶勗將
來公步亦步然後知先生之能辦大節於一日者其期
許有素而非出於慕尙矯激之爲矣予旣錄先生文行
且博蒐散佚以成完書而輒署其冊曰明弟六家文選

陶菴集

卷首

舊序

三

以次於震川之後嗚呼明二百七十年中箸述之家可
謂極盛而予以六人者盡之論者不譏其見之不廣卽
疑其取之太刻而抑知以正學始以先生終節義文章
並垂於不朽此往代所希覩而有明之文不可謂非盛
也已嘉興李良年秋錦氏撰

明六家文選

從來君子立言貴乎言與行合未可徒工於言祇自命
爲文人也蓋其發之乎言者一本乎平日讀書窮理之
功初不必艱深其旨塗澤其辭而析天人明倫紀和平
通達之中使人可愛可敬而知爲正人君子故際時之

常則輔君澤民而兼善天下遭時之變則致命遂志而不惜一身宋之文山文公明之正學方公讀其書即可知爲志士仁人也乃堪與二公爭光日月者斷推陶菴黃先生先生接濂洛薪傳羽翼經傳辨析史書凡於人材邪正政事得失一本至公之心嘗著吾師錄以律身作自監錄以省過觀其上王登水答柴集勳書而知心性之學觀其科舉論君道吏治策而知經濟之學至其立身授命之大節見於寄弟偉恭書云人不爲數千年一人而必欲爲三年一人殊不可解何其見之高也見

陶菴集

卷首

舊序

三

於答侯雲俱兄弟書云身無濟世安民之才亦無全軀保妻子之志當養晦十年至舍我其誰而後出何其養之純也至見之韻語者如寄弟詩野人歎井中心史諸作皆一一以忠義哀傷自許故一聞國破君亾而從容赴義如飢渴之赴飲食寒暑之服裘葛也斯豈計無復之慷慨決命於一時者可等量而並觀也哉或者謂先生境地視文方二公異文公身執朝綱方公位爲文學博士先生未食升斗之祿蹈海入山保全軀命誰復議其非者不知先生於進退出處之幾旣福死生之介素

有定識使生當開國之初自能以文章黼黻皇猷與簷
同文宋景濂諸公爲一代典型生當熹廟之際自能直
諫盡忠與東林六君子填尸狂狷乃運丁陽九通籍雖
遲業已解褐卽同旣字集中所謂出身之士猶許嫁之
女殉節其分者安肯隱忍苟完讓楊維斗劉公旦諸先
生含笑地下邪先生遺集綴輯於陸翼王侯研德兩先
生茲因舊板漫漶且漏略尙多陶廣文澹泉與寶山同
學諸生廣爲搜討補其未備細加編次并偉恭先生詩
鳩工重刊以慰天下願見之思屬予爲序嗚呼先生忠
陶菴集

卷首

舊序

五

義大節不待文而傳然有文而先生所行皆先生所言
儒者讀書窮理固非虛語而先生之忠義大節益彰明
於天壤况當兵燹劫灰之後又歷百二十年而先生詩
與文盡出亦可知造物之於志士仁人其苦心有不可
泯沒者矣乾隆辛巳孟秋長洲後學沈德潛謹序

昔人謂東漢人尙氣節唐宋人重文章然讀顏清臣文
履善謝疊山方遜志諸公遺篇歎其撐雷拆電爛然與
日月爭光而致命遂志臨大節而不可奪又如是洵乎
聞世偉人節義與文章未嘗不合也若陶菴先生者眞

其人矣先生鍾日星川嶽之英肩天綱地維之任釋褐
僅逾年城破之日與難弟偉恭先生同縊於西城僧舍
其事載於明史及先生門人侯掌亭行狀其詩文亦詳
於錢牧齋吳梅邨朱竹垞陸稼書諸先生序中憶子髮
未燥時稍知辨聲韻卽能誦先生詩及散體諸篇愛慕
不忍釋手嘗與同學論詩文各有派別卽如勝國初吳
中則宗高青邱袁海叟浙東則宗劉青田王烏傷他如
林子羽之於閩劉子高之於豫章孫仲衍之於粵各樹
標幟承學者類有攸歸而吾膠則師法最正故其詩渾
陶菴集

卷首

舊序

三

古蒼鬱高者似少陵次亦在隨州東坡之閒自唐李叟
程四先生而外繼起者唯陶菴先生一人牧齋嘗謂嘉
定多讀書嗜古之士而推挹陶菴先生不置口至其古
文出入唐宋入家而尤以荆川震川爲圭臬不爲僞體
所靡也吾輩生先生後瓣香有在不學先生而誰學哉
顧自先生沒後全臺散佚雖一刻於國初而未全後
及門陸翼王徵君侯柅園掌亭昆季張方瓢諸公蒐輯
校勘付梓而板今藏於槎溪陸氏未獲風行會溧水澹
泉陶君來司教寶山深惜先生之集當公諸海內使後

學家有其書非重付剞劂不可於是邑之紳士欣然竭數月之力凡題跋札記隻字牘墨悉補輯無遺更益以前集未刻之自監錄鳩工開雕將不日而潰於成陶君以予卒業於茲集者有年郵寄京師屬爲之序予唯先生之文實先生之正氣凝聚鬱結而成者也積之深而後發則渾淪磅礴充塞宇宙而不可遏將與唐宋死事諸君子之遺編後先輝映所謂節義文章全備於一身而流傳於千百世者也雖殘編斷簡得之如碎金片玉而不肯棄況茲集蒐討之宏富而繕寫之精良如是邪予不敢序先生之集而深嘉陶君之能集其大全也因書其梗槩如此時乾隆辛巳夏四月後學王鳴盛謹撰古人稱三不朽始於立德終於立言吾鄉黃忠節公則兼而有之公自束髮受書卽以聖賢爲必可學一言一行晨夕點檢務求不愧衾影以與聖賢相印證當時主持文社號稱宗匠者競招致之公夷然不屑也鼎革後貽書友人欲遜蹟以前進士終老未幾有守城之役乃引謀人軍師敗則死之之義從容畢命蓋斟酌於平日非感激於一時此道義之勇所由異於豪俠之勇也公

陶菴集

卷首

舊序

七

之德與言海內師之非一鄉得而私之而生平行事則
唯鄉人見聞最真顧百五十年來未有譜其事狀者豈
非吾輩之責乎今春安亭陳君以誦以所撰次公年譜
出示攷核精審繁簡得中公家方泰里與安亭最近而
以誦孜孜搜訪博收而約取之故信而有徵如此又倡
義欲復公墓田之侵於他姓者事雖未果然公之精爽
未沫當必默相其成是可操左券以待耳因牽連書之
冀當事者留意焉乾隆甲寅三月十日邑後學錢大昕

書於孱守齋

年譜

陶菴集

卷首

舊序

三



夫有當必照... 莫當... 出... 非吾輩之責... 人... 之...

舊跋

先生平生不立專橐所爲詩文多散見於每歲日記中
乙酉夏四月先生遜蹟北郭之卓錫菴手選古文一卷
詩一卷大抵起丙子訖乙酉十年所得其刪去者蓋什
之八矣予往觀之先生因言吾所存未謂必可存也然
以見吾志所立從此而進可矣古文近代自以荆川震
川一派爲學唐宋大家之津筏以唐宋大家爲學秦漢
之津筏而必經經緯史爲之淵源詩直以陶杜爲津筏
風雅爲淵源然不明心見性立其根極卽無所爲詩文

陶菴集

卷首

舊跋

三

也吾識趣久定閱歷未廣向來涉筆猶是經生本色未
遇大題目亦未有大文章唯史論差近古詩則詠史樂
府及和陶諸什吾稍寓意耳復舉示用意用筆之所以
然予請持歸錄副先生繙視良久哂曰姑待之不三月
而先生殉節此本遂不可問今其詩仿佛十符八九矣
文則十僅四五祇以翼王勤苦收錄片紙隻字不敢闕
遺授梓已半今日補綴屢而成卷嗟嗟翼王之皇皇衷
輯所願豈止此哉先生之不與錄副亦豈願吾徒之遽
以是傳哉知此意以讀是編庶乎其可矣門人侯元沆

謹跋

先生乙巳生懿實少先生八歲先生十七八時先大父邀先生命子纘叔以下六七輩事之師友之間懿實既就傳先生輒教以學文之法至辛未先君迎之南城別墅予始得專受業者二年癸酉先生館侯氏予負笈從焉又七年侯文節公送之虞山錢宗伯所壬午還邑立直言社子與侯氏兄弟復從遊如初於是翼王諸子並列門下譏劣如予瞠乎其後矣時先生連掇巍科益泊然功名之際當其里居社事彌勵不二年而先生殉節

陶菴集

卷首

舊跋

三

直言諸子同歸者半予不忍沒先生之志仿直言爲啟社羣賢復聚研德侯子實爲領袖未幾吳門慎交之會諸子相率應之子漸嬾酬酢退耕虬江之野是時翼王徧搜先生遺藁次第劄劄予與同志力贊之而未成也其後或以先生殉節之故并諱其文或以先生文章因節義而增重亟謀卒業皆侯子記原持之至今乙卯季秋記原語予兄之欲繼直言者爲傳先生不以其文也陸子求傳其文而吾弗之急者將有待也今翼王遊京師五年不返而吾年六十有二兄又長二焉直言之不

可復續也吾亦何待哉盍姑就翼王所輯以卒其業聊見吾三人所以事先生者各有其心白首如一勿留闕陷俟之不可知之人其亦先生所許乎子感其言蠲產鳩工三月竣事酌酒以告先生曰懿實不材今日報先生者如斯已乎非輔也五年薈萃之勤沓也九年維護之力不至此自今以往流傳是書使讀者因以志先生之志學先生之學先生其如生矣乎懿實雖老奚敢辭責矣門人張懿實謹跋

先子十四歲從先生學十年而聞道先生嘗謂入室弟

陶菴集

卷首

舊跋

三

子莫之先也故默菴夫子暨秬園世父以非先子不克傳先生屬作行狀牧齋先生所謂文直事核無愧良史者也安亭張氏遽刻詩集中先子請歸而藏之茲校閱之役世父感先子之不及見也命榮撮其闡微之論曰夫士之所以自立者四曰文章曰功名曰節義曰道德所以用之者三曰才曰學曰識所以辨之者二曰真曰僞先生嘗稱曰學者以識爲主故斷然知文章功名節義其真必出於道德自少至壯志之純而守之確雖風靡波蕩之餘而元氣渾噩猶立虞夏而指羲皇也癸未

中第後研究益切遂豁然悟心性之眞體繇是略門庭
探堂奧捐枝葉務本根盡撤諸家之藩而浩乎獨得焉
動靜如一也窮達不變也夷險無眩死生不二也又曰
先生知道德之指歸如百川之趨巨壑眾星之環辰極
無心於文章而大音鏗鏘無心於功名而臨難激發無
心於節義而從容成仁四者之樹立並出於眞何也其
識定也天下之知先生於文章節義功名者易而知先
生之道德難知先生之學與才易而知先生之識難知
先生之爲宿儒名德易知先生之爲一代完人難也後

陶菴集

卷首

舊跋

三

學侯榮謹跋

先君遭乙酉之變塋方四齡家室飄搖藉外舅眉聲先
生一椽棲止母子煢煢蕭然四壁稍長知求父書而散
已已盡嗚呼痛已賴同志搜輯得文八十二篇詩三百
八十篇史記論一卷吾師錄一卷翼王綱加編次謀付
剞劂人事牴牾未經卒業今得記原德原一舉成之豈
非幸與塋也撫手澤之猶存對遺編而增痛綴名簡未
泫然不知涕之何從也丙辰三月朔日男塋百拜謹識
鯤執經家塾時先子櫪莊先生授以大家傳彙嘗謂陶

菴先生制義直接古文不可僅作時藝觀及司鐸寶山
讀其詩古文益歎先生之學博大深醇有功名教其節
義之不朽者有自來矣是集向曾付梓久而散佚並有
自監錄未登梨棗因與都人士商訂重鐫不三月而蕝
事計原存古文六卷史論一卷吾師錄一卷詩八卷增
刊詩古文三卷自監錄四卷又以列傳行狀載之卷首
庶讀先生之集者益以想見其爲人有所觀法而興起
焉溧水後學陶應鯤謹跋

曾王父詩文集經諸前輩裒輯付梓板藏南翔陸氏未
陶菴集

卷首

舊跋

三

獲風行正儒從事史館服官楚郢當道諸鉅公垂詢是
書俱未有以應庚辰引疾歸里適澹泉先生將全集付
刊並增入自監錄暨詩古文遺編補前刻所未及嗟乎
曾王父理學節義載在史乘炳於千秋所爲三不朽者
此其餘事然流風餘韻於此亦可想見焉刻既成謹附
數言於後乾隆辛未仲夏曾孫正儒百拜謹識

陶菴先生錄已錄二卷卽日歷也前卷分蚤及鬻後午
後鐙下後卷分口耳身心讀書睡夢凡意念言動之是
否一一記載之非者卽痛加猛省誓言不貳古人云過

而能改善莫大焉斯得其道矣閒有論議皆省身克己之學直似宋元理學大儒語錄非如陸放翁入蜀記郭天錫客杭日記之但記陰晴及遊歷吟詠已也邑後學錢東垣謹跋

錄已錄

乙酉莫春偕孫子守中訪黃忠節公墓於鹽鐵塘蓋自公死忠後三年完初先生自營生壙於此而以公及谷簾先生耐葬焉塚凡三封幾沒榛莽詢之土人墓旁地已屬他姓爲樵蘇侵伐久矣予兩人不勝古墓犁田之懼退而集同志謀購復不果嗚呼以公之道德文章節

陶菴集

卷首

舊跋

言

義足爲百世師顧乃區區藏魄之地百有餘年已不能保是誰之責與先是戊申之春守中手編震川先生年譜越二載新陽邑侯王公遂脩其墓豈年譜之成有足以感動者邪爰不揣謏陋摭拾舊聞纂輯成帙異時得有力者復其地而重脩之未始非景仰曩哲之懷所日夜望之者也乾隆五十八年癸丑十月既望邑後學陳樹惠謹識

年譜

傳

歸安楊鳳苞撰

黃澇燿字蘊生號陶菴嘉定縣人少卽以聖賢自期嘗
作日歷畫之所爲夜必書之緼袍糲食不苟取一錢崇
禎十六年試禮部有要人諭意欲薦爲榜首峻卻之成
進士不謁選而歸南都初建求仕者爭趨之澇燿獨不
赴或問故應曰某公素善予今方與當國者比往必爲
彼牢籠矣君子始進必以正豈可損名義以徇之邪卒
不往迨嘉定被圍偕弟淵燿暨侯峒曾龔用圓張錫爵

陶菴集

卷首

傳

五

諸人固守及城破兄弟並詣西城西林菴將死僧止之
曰公未仕可勿死也澇燿曰城已與此儒者分內事
耳今借上人一片乾淨土死得所矣索筆書曰宏光元
年七月四日進士黃澇燿自裁於西城僧舍嗚呼進不
能宣力王朝退不能潔身自隱讀書寡益學道無成耿
耿不沒此心而已遂衣冠北向再拜自經死淵燿字偉
恭年十五補諸生幼穎異甫就傳卽嚮學旣乃受業於
兄悉得其緒論半居談道講德往往啟伯氏所未及性
狷介不妄交遊澇燿登第後與之書曰臚傳時人見鼎

甲先上殿皆嘖嘖稱羨以爲登仙吾此時歎息無限天地間自有爲數千年一人數百年一人者今人必不肖爲而必欲爲三年之一人可笑也淵耀得書益以品節自勵就義時見兄頭墜地復下拾而冠之乃就縊於右淵耀所著詩古文制舉業原本六經旁通三史規範先正皆傳於世享年四十一門人私謚貞文淵耀卒年二十二有谷簾學吟兄弟死時口血噴壁閒入甎寸許其跡歷久不滅云

陶菴集

卷首

傳

美

行狀

門人侯園泓撰

進士黃先生澗燿與其弟諸生淵燿同日死嘉定之難時乙酉七月四日也後七百里人收先生兄弟之尸殯之於死所謂西城僧舍也又三年戊子先生之尊人葬先生於守信鄉之某阡又四年辛卯其及門相與謀曰先生以道德文章挺生混濁至國亡君竄奮起功名致命戎旅而終之以節義蓋一代完人也藐諸孤屬在襁褓自非門人小子載筆以狀公事學者其何以誦法

陶菴集

卷首

行狀

三

百世其何以考信乃謬以屬元泓遂次其略爲狀謹按先生諱澗燿字蘊生號陶菴嘉定人生而穎朗二歲能辨八書就塾授經宛如夙記自能言至成童不習玩弄醇然如長德大人夜篝火讀書父母竊憂其弱疾先生微覘覺之乃夜輟燭伺父母寢息更從鄰舍兒乞火危坐默識嘗逮戊夜晨俟寢門亦無倦色年十七補博士弟子前後小試凡冠軍二十四先是先文節兄弟與馬文忠世奇等以文章鳴江左里中後進多所推挹及一見先生文則曰此人才識吾不逮也先生遂兄事文節

由是一時物望若張庶常溥夏考功允彝楊孝廉廷樞莫不側席願交先生先生泊然如不屑也隱居授徒淨湛諸生二十餘年穿穴經傳綜核性理爲文務醇正推明濂洛關閩之旨崇禎之季文體齷亂險譎淫豔競名其家先生深嫉之後進輕薄詆其學爲不適用先生自信益堅酒酣歌呼牢落惋歎所與偕者唯先文節與及門二三子而已年垂強仕不售乃與唐聖舉昌全夏啟霖雲蛟陳義扶俶陸翼王元輔弟偉恭淵耀及泓兄弟等爲直言社自先生弱冠卽箸自監錄知過錄後更

陶菴集

卷首

行狀

三

爲日歷晝之所爲夜必書之仿古趙清獻宇文諒遺意如是省克數歲不輟至是與諸子殫究心學砥礪躬行觀摩策發其教浸廣壬午嘗語及門曰利祿之關子自反已過之親老祚薄勉一再應自此南山之南誓不入棘闈矣榜發竟魁其房藏橐旣出天下翕然推先生爲一科冠癸未中進士第出周太史鳳翔門下廷試二甲出身是時名都再隳兩河如沸京師達官尙趨勢狂騫會館選請屬公行先生蕭然京邸晏坐朗吟恥不肖與時或迂之按釋褐後寄偉恭詩六百餘言又寄書數百

言見集中未幾蹇驢輕裘子然南歸歸而杜門隘巷敝
廬布袍疏歔與直言社諸子磨礪探索曰攷月稽久之
積疑忽開豁然自得人莫測也宏光初竟不謁選乙酉
五月南都陷安撫使至吳士大夫競削手版求見紆旣
先生與先納言其誓行遜時嘉定鄉兵起紳士分門而
守守十餘日城陷師薄東闔而上時先生守西門從者
四人掖先生遜先生正色曰爾輩不識事勢未有城破
而城外猶得幸免者也偉恭在旁見從者持先生急大
言曰阿兄主意須定攜手入僧舍閉門拒從者從者排

陶菴集

卷首

行狀

堯

戶入求出不已先生曰吾意素定豈汝輩哀所能驟易
乎偉恭曰汝輩不去爲之行齋邪出袖中遺金投之曰
爾速去同死無益從者慟哭而去僧無等與先生兄弟
爲方外交問曰君雖進士猶未授職可以無死先生曰
城亾與亾是儒家本分事出身之士猶許嫁之女夫死
殉節亦其所也今某託上人之蔭死此乾淨地於心足
矣軍聲益迫偉恭曰此其時矣先生遂索筆書略曰進
士某於某年月日自裁於西城僧舍嗚呼進不能宣力
王朝退不能潔身自隱讀書寡益學道無成耿耿不沒

此心而已凡數十言不盡錄書畢與偉恭同縊焉時年
四十一同日先通政以水死唐昌全家幾道雲俱以兵
死張季廉錫胤以縊死龔季廉用圓兄弟亦以水死夏
雲蛟自縊不絕復以兵死其他伏節者不可勝數嗟乎
自中夏變革而士大夫下者惕於利害容頭屈膝中者
不恤事勢冀非常之福以爲民甃上者以一死自成其
名唯先生確然知事勢之不足爲而大義之不可沒因
人心之公盡一命之責視成敗如幻影歷死生如適然
震遽迫猝宛然考死暴尸七晝夜同殉者蛆蟲穿漏膏

陶菴集

卷首

行狀

早

血汙潰獨先生之眉鬚翛然凶骨不敗里中仗義子弟
與無等收而殯之亦莫得其主名也嗚呼讀書學道之
效固如是哉先生爲人體貌魁秀儀止率真冠裳在身
飄然若寄始而夷簡深穆訾笑有度末而充養和粹德
機洋洋吟風弄月無得而形容也天性純孝居母憂毀
瘠骨立蔬食終其喪庶母操楸曲盡愉婉敝箱故簾不
私畜一錢館穀所入盡以上其尊人誠心慙懃善處人
骨罔之閒凶人僉夫遇之輒格待其弟偉恭義兼師友
恤愛純至綜其爲人有嚴有和不庠不抗忠孝天眞表

裏洞燭蟬蛻濁穢終始矚然不改越於榮名不參功於雜霸無道學拘牽之態而有其躬行無門牆標榜之風而有其特立如良玉純金孺子婦人能名其寶也讀書務求根本每閱一編首尾穿貫涵濡咀嚼成誦若流時或銜杯劇論縱橫指掌引繩批根四坐屈聾古文力追大雅祖左史而宗韓歐於明則以國初四大家唐荆川歸震川爲則王李鍾譚心弗是也尤愛陶杜詩會其微妙寓海虞錢氏作和陶詩詞家以爲神似今哀詩文集若干卷詩劄二卷史記質疑四卷語錄二卷吾師錄一

陶菴集

卷首

行狀

望

卷末年詩文若不經意平淡春容餘思滿衍文如其人所謂醇乎醇者也先生高祖野堂庠生妣某氏曾祖諱發蚤卒妣夏氏守節八十四歲卒祖諱世能仕平涼經厯妣錢氏父諱家柱妣陳氏母弟淵耀字偉恭別有狀庶弟流耀洪耀妻沈氏子一人塋壬午生聘同年蘇季廉淵女夫古人之有行狀凡以節行定諡質之公卿上之史館光於當世也今泐以是復諸子猶將陳諸艸莽祕諸笥篋以待論定於百世云爾不禁夫言之長也其又可悲也已

黃忠節公像

不取鼎臯 割脊公魚 相百班

賦名食卷

寒入歸凡

公之文章 青天白日

黃忠節公像贊



孫坤敬摹

陶菴集

卷首

贊象

星

黃忠節公像贊

公之文章 青天白日 白之心地

寒入顛月 鮮立萬仞 鬚引子鈞

淵乎有得 藹乎可親 成仁取義

行所驟事 儒者公勇 可帥百坂

後孝錢大所敬顯

陶菴先生年譜

邑後學

陳樹憲原輯

宋道南重訂

先生名澗燿初名金燿字蘊生一字松厓號陶菴又

號水鏡居士明南直隸蘇州府嘉定縣人

今隸太倉州系

出江夏南宋時蒙古侵境有黃一菴者輸粟餉軍理

宗詔旌其廬一菴八世孫起明始居嘉定以能詩名

起明生庠生清清生庠生堂堂生庠生發發生世能

以掾史授陝西平涼衛經歷西安土賊反由軍功歷

陶菴集

卷首

年譜

望

署崇信縣知縣安定州知州世能生家杜是為完初

先生娶陳氏生子二先生其長也次偉恭先生淵燿

側室子二流燿洪燿

萬曆三十三年乙巳五月二十八日先生生

三十四年丙午先生年二歲所居壁間有石刻水石二

字家人抱至此必蹣跼逐之意若甚好者因指以教

之先生時尙未學語問水卽指水問石卽指石百試

無一爽

三十五年丁未先生年三歲完初先生教以千字文過

目卽成誦

三十六年戊申先生年四歲四月患痘疹五六朝時驚
搐煩熱家人示以千字文則煩搐頓解

三十七年己酉先生年五歲其戚錢翁授徒里中教以
四書孝經諸兒乘師出羣起譁囂先生兀然端坐朗
誦自若

三十八年庚戌先生年六歲

三十九年辛亥先生年七歲吳中大水米價騰涌完初
先生夫婦自食粗糲而以精鑿食先生先生涕泣不

陶菴集

卷首

年譜

食易以粗糲乃食

四十年壬子先生年八歲

四十一年癸丑先生年九歲

四十二年甲寅先生年十歲從崑山顧先生學攻苦不
倦篝火讀書嘗逮戊夜父母憂其得疾乃每夜輟爝
伺父母寢息更從鄰舍兒乞火繼之

四十三年乙卯先生年十一歲顧先生辭館歸崑山先
生因在家溫習日讀通鑑甘藜

四十四年丙辰先生年十二歲從邑諸生林襟宇先生

學日讀經二十葉始習舉子業卽以爲代聖人立言
不徒爲弋取科名地 先生是時卽耽玩載籍家無
儲書每假借手鈔雖腕脫不倦

四十五年丁巳先生年十三歲

四十六年戊午先生年十四歲邑諸生尹伯衡先生授
徒護國寺先生從之遊同門有陳義扶者爲尹先生
所重擇爲壻及得先生謂義扶曰子雖速步然黃生
超子矣後義扶與先生同登賢書 是歲先生縣試

前列郡試得疾歸里夢生兩翼沖天而飛旋折一翼

陶菴集

卷首

年譜

望

墮地驚寤已而漸蹉完初先生恐先生讀書作文耗
費心血乃授以唐人詩先生遂工吟詠父友葉石農
命賦雪後初晴先生援筆立就有句云望遠疑無樹
聞香始覺梅極爲石農歎賞時經歷公罷官家居詳
其夢兆與詩曰此子飛騰可必得身後名爲多耳金
貞度者亦先生父執也以僧院命題限花字先生口
占一絕云小院青苔幾曲斜烏聲寂寂翠陰遮閒看
一片空林石法雨常沾數瓣花一時詩名籍甚
四十七年己未先生年十五歲邑少司寇春陽歸先生

見先生文謂完初先生曰此子當大興君門可使博
通載籍先生遂從學爲古文辭又同邑進士陳舜道
亦曰此君家千里駒也追風逐電餘人總不足當其
後塵

四十八年庚申先生年十六歲縣府試俱前列

按行狀
先生前

後小試凡冠軍二十四次

天啟元年辛酉先生年十七歲二月補博士弟子

二年壬戌先生年十八歲讀書之暇兼習書畫於黃庭

經樂毅論及虞永興廟堂碑顏魯公爭坐橐艸皆得

陶菴集

卷首

年譜

吳

其神理山水人物尤有逸致

三年癸亥先生年十九歲歲試第一食廩餼 時武進

龔思默先生司鐸邑中知先生品學兼優延教二子

及壻 先是侯忠節兄弟與無錫馬文肅以文章鳴

江左及見先生文則曰此人才識吾不逮也相與訂

交先生遂兄事忠節諸公同時若太倉張庶常溥華

亭夏考功允彝長洲楊孝廉延樞皆側席願交先生

四年甲子先生年二十歲館同邑孫九寶家

九寶中丞
火東先生

子 母弟偉恭先生生

五年乙丑先生年二十一歲同邑張正甫延先生於家
令子宏元宏憲宏度宏經與先生遊處更令少子宏
化長孫懿實師事先生 沈孺人來歸孺人邑諸生
沈君敏長女勤慎寡言事舅姑以孝聞

六年丙寅先生年二十二歲受易於龔行之先生

名欽
仕箸

易解

時新安程松圓先生嘉燧寓邑之香浮閣先生

以詩文往謁松圓甚推許之

七年丁卯先生年二十三歲著知過錄

崇禎元年戊辰先生年二十四歲館雲閒箸史記質疑

陶菴集

卷首

年譜

望

二年己巳先生年二十五歲館雲閒凡晝之所爲夜必
札記以自省察嘗自誦云筆記皆宜反覆參看多有
心氣不平時記來不中理正可查明已過若束之高
閣不如無記

三年庚午先生年二十六歲館雲閒究心易理嚴立課
程每日蚤起看周易一卦讀史漢及唐宋以來諸大
家文再閱古人語錄甘則以餘力作文寫字

四年辛未先生年二十七歲館雲閒著自監錄 秋患
疾寒熱交作醫藥罔效忽憶古人語云曾於病中會

得移心法蓋移其心如對君父慎之靜之自愈遂一念不動至四五日後而痊

五年壬申先生年二十八歲館南城張氏輯吾師錄

六年癸酉先生年二十九歲侯雍瞻先生延先生於家

十命忠節之子元演元潔元灊及己子元沅元洵元涵

十師事先生

七年甲戌先生年三十歲陳太孺人以疾牽先生哀毀

骨立然恐傷父心不敢慟哭默自飲泣而已時偉

八恭先生方十歲亦動止中禮無異成人

陶菴集

卷首

年譜

吳

八年乙亥先生年三十一歲憂居里門館侯氏

九年丙子先生年三十二歲夏四月服闋六月偕侯雍

瞻先生赴南都

十年丁丑先生年三十三歲館侯氏

十一年戊寅先生年三十四歲侯忠節公視學江西招

先生往遊與張子宣同游郡西諸山經浙東西縱觀

正諸名勝秋歸里

十二年己卯先生年三十五歲虞山錢牧齋欲為子延

師商之程松圓松圓曰嘉定黃蘊生奇士也與侯氏

交未可輕致公雅與侯善以情告可得也牧齋乃致書雍瞻先生敦請強而後可是歲與武林陸麗京訂交

十三年庚辰先生年三十六歲館虞山

十四年辛巳先生年三十七歲館虞山先生自至虞

山牧齋待以殊禮序先生文彙推尊甚至然先生心薄其爲人因作見義不爲及鄙夫題文示意遂辭去是歲偉恭先生補博士弟子先生作詩勗之

十五年壬午先生年三十八歲舉直言社入社者以學

陶菴集

卷首

年譜

覽

行互相諮攷不以闇昧自欺不以輒媚之談相取說得同志十餘人秋舉應天鄉試子塋生

十六年癸未先生年三十九歲夏讀書陳氏園六月計

偕北行秋八月舉禮部試廷試三甲成進士觀政禮

部不謁選而歸

大清順治元年甲申

明崇禎十七年

先生年四十歲三月流賊李

自成陷明北京五月福王自立於南京

順治二年改爲江寧府

改元宏光以錢謙益爲禮部尚書謙益馳書招先生

不赴完初先生命致賀乃賦感事書懷五十韻並以

婁子柔先生所書陶靖節歸去來辭長卷寄之

二年乙酉先生年四十一歲五月大兵渡江福王出奔先生貽書同年進士王泰際將避兵南郊之石岡會鄉兵四起前令錢默逸去我朝兵部侍郎李延齡巡撫都御史土國寶泄蘇州遣知縣張維熙至明吳淞總兵官吳淞過新涇橋縱兵大掠遠近大譁始李成棟鎮守吳淞過新涇橋縱兵大掠遠近大譁始謀舉義侯忠節諸公迎先生入城議守屯鄉兵於城外城中則按戶出了登陴畫地而守先生兄弟主西門成棟兵船駐城東鄉兵夜起襲之焚四十餘艘成棟復自太倉調兵來先生乞師於志葵至爲成棟所敗外援遂絕成棟連日攻城城中悉力禦之兵民死傷略盡乃驅使老弱守陴成棟復并力急攻兵民克懼先生兄弟與侯忠節諸公慰勉之曰我與爾曹家室父子盡在是少有蹉跌萬家并命矣眾號泣應之悲聲動地會大雨如注兵民舉體沾溼漸有去者先生兄弟仗劍立雨中分馳勸勉亦不能禁唯連呼高皇帝烈皇帝在天之靈慟哭相向而已成棟見城守

陶菴集

卷首

年譜

三

漸弛遂命裨將登城斬關而入下令屠城先生兄弟
知東門已破方下城遇其僕亟問我大人安在僕謾
應曰死亂兵矣問何所曰南城先生兄弟慟哭仆地
不能起從者掖先生遁先生正色曰爾輩不識事勢
未有城破而城外猶得幸免者也偉恭先生見從者
持先生急乃大聲曰大兄主意須定趣先生乘馬至
西林菴兄弟攜手入主僧無等奉茶畢曰君進士猶
未服官可以無死先生曰城已與匹豈以出處貳心
出身之士猶許字之女殉節亦其所也乃索筆大書

陶菴集

卷首

年譜

至

於壁曰大明^宏光元年七月四日進士黃瀄耀自裁
於西城僧舍嗚呼進不能宣力王朝退不能潔身自
隱讀書寡益學道無成耿耿不沒此心而已異日

論其世者尙知予心書

畢北向再拜兄弟同就縊偉恭先生見先生頭幘墜
地復下拾而冠之乃引決越七日始斂鬚眉皆赫然
膚肉不敗兩人曰血濺壁上入輒寸許歷久不滅乾
隆閒長洲沈文恪公德潛題其處曰留碧

五年戊子完初先生自營生壙於邑之龍號三十一圖

劔圩葬先生兄弟於昭穆穴

八年辛卯先生門人陸元輔輩相與謀曰先生以道德文章挺生混濁至國亡君竄致命戎旅而終之以節義蓋一代完人也攷諸謚法清白守節曰貞道德博聞曰文茲實無忝遂相與告謚貞文

十二年乙未知縣劉宏德詳請以先生兄弟崇祀鄉賢康熙四十三年甲申知縣王樞詳請 題建專祠於城之東南隅額曰二黃先生祠

乾隆四十一年丙戌大學士舒赫德子敏中等奉

陶菴集

卷首

年譜

聖

册朝殉節諸臣錄先生議通謚忠節

年譜畢

墓表

太倉陳珮撰

今天下之知有陶菴先生也久矣天下之知先生者始以文章終以節義而不知其平日慎獨養氣明體適用之學粹然其爲儒者也歲癸巳其同年生陳瑚表於其墓曰先生名瀄燿字蘊生姓黃氏蘇州府嘉定縣人祖世能任平涼府經歷父家柱生三子長卽先生次淵燿次流燿先生生而敏不好弄夜篝火讀書父母憂其孱弱先生微覘覺之乃夜輟爝伺寢息更從鄰舍兒乞火

陶菴集

卷首

墓表

三

危坐默識嘗逮戊夜晨候寢門無倦色人以是知先生非常人也年十七爲諸生其制舉業博大醇正小試輒第一同里侯廣成先生兄弟見其文而歎曰此人才識吾遠不逮也遂定交甚歡一時物望若張西銘太史夏瑗公吏部楊維斗孝廉莫不側席願交先生先生泊然如不屑也力學二十年隱居敎授與同志十數輩爲直言社以遷善改過相勸勉蓋先生自弱冠卽著自監錄知過錄後更爲日歷書之所爲夜必書之至是告諸友人廣其學焉崇禎壬午舉於鄉上座主王登水先生書

曰某嘗求義理於六經求事蹟於二十一史求萬物之情狀於騷賦詩歌求載道之器於漢唐宋數十家之文章編刻規摹涵採曠括放而至於詩若文之間竊謂古之立言者非其有得於心則莫能爲也夫既有得於心矣雖有言可也遷固荀揚韓歐之屬是也夫既有得於心而有言者矣雖無言可也鄙宗之叔度是也某之所見如此比來敝華踐實玩思性命將求所以悟明其心而剛大其氣以庶幾千言之因文見道者尋繹久之亦復超然有得於文字語言之外世儒舍性命而言事功

陶菴集

卷首

墓表

書

舍事功而談文章是以事功曰陋文章曰卑而詖淫邪遁之害浸尋及於政事而不可救蓋天下之壞數十年於茲矣某雖無知其敢貿貿焉以文人自居以富貴利達之習自陷也哉先生之志見於書者如此癸未秋計偕入都門手齊魯道中詩一卷質諸先生先生感歎反復誦少陵獨使至尊憂社稷二語相與流涕久之予不第歸先生成進士出周太史巢軒先生門下先生死李賊之難諱鳳翔諡文節者也先生既釋褐寓書其門人曰祿仕非吾志也吾方績學脩行揣摩當世之務使舍

我其誰始可一出耳又與弟淵耀書曰近見他人品骨
不如我意思見識不如我不免有輕蔑時俗之意坐此
學力不進然在寵辱場中壁立如鐵則所謂辭爵祿蹈
白刃吾自信無憾過此以往并心一向終有一立腳處
不徒然而已客中無可與語買得唐詩數冊通鑑一部
窗虛月白風急天高誦詩讀史自嗟自樂恨千載上人
不從吾遊也天下事不可爲可爲者唯有己分內事勉
之勉之未幾策蹇南歸杜門不出口與直言社諸子朝
攷夕稽毅然以道自任甲申春偕年友陳義扶俶蘇詹
陶菴集

卷首

墓表

壹

聲淵過婁江遇予論學於舟次不謀同辭因示予同學
姓氏予筆而志之如唐聖舉昌全夏啟霖雲蛟侯幾道
元演雲俱元潔皆死雜髮如陸翼王元輔侯記原元沔
研德元渥張德符懿實高德邁凝朱九初子素輩次第
得交其人咸恂恂乎篤行君子也先生友教之功亦可
以見矣嗚呼聖學之不明也自吾婁數人束脩勵行勉
爲窮理持敬之學而世有迂而笑之者乃相戒儉德晦
明勿令人知而先生獨身承其責於風俗頽蕩之日禮
樂彫敝之餘其勇爲何如哉顧予交先生晚又不數數

見先生然嘗與先生約冀幸天下無事當買山結廬聚
首一堂之上纂脩微言以待來者何意此志竟不從哉
天之欲喪斯文甚矣先生性純孝家居不私畜一錢丁
母憂毀瘠骨立蔬食終其喪待其弟敎愛兼至讀書務
根本每涉一篇首尾貫穿成誦若流爲詩古文辭妙天
下愛讀靖節詩自號爲陶菴所著詩集若干卷文集若
千卷詩劄二卷史記質疑四卷語錄三卷吾師錄一卷
有子一曰望先生旣葬之三年子始得望而拜哭之於
其死所乃爲之表其一生言行之大略以傳於後若先
陶菴集

卷首 墓表

表

生之兄弟死義凜然大節與日月爭光者婦人孺子皆
能言之不待表而後見也故不書

祠記

邑後學趙 俞謨

嘉定當吳郡東濱大海其俗勁悍然頗以義烈聞乙酉
大兵破城士大夫多以身殉前進士黃先生涪耀偕
其弟諸生淵耀入西城僧舍書絕命辭衣冠北向再拜
就縊死最烈口血漬壁甃人寸許風雨莓苔剝蝕漫漶
經久不磨滅過其地者猶彷彿見先生精氣鬱勃髯鬚
戟張精爽閃閃從壁開出也嗚呼壯哉登第初同榜集
都下者挾術以鑽公行請託先生獨杜門不赴館選貽

陶菴集

卷首

祠記

七

書其弟以千百年開一人自期許論者偉之按崇禎癸
未八月方舉會試次年甲申三月闖賊破都城戎馬蹂
躪社稷邱墟近在眉睫閒而當軸蒙蔽新進浮競耽榮
罔利積弊叢奸牢不可破士節墜敗國運隨之未嘗不
歎息痛悼謂科目之無益於人國而先生名播華夏傳
及島國大節炳於千秋高文式於來者翰墨之存學者
寶若天球姓氏之芬土人誇於鄰境可謂與日月爭光
天壤相敵者也夫非千百年開一見之人與先生之志
酬而先生之言信矣向日之豔美於庸夫豎子之口者

其可與先生同年而語邪先生湛深六經浸灌穿穴務
求心得直究性命之旨詩沖澹仿陶彭澤文師承荆川
震川尤熟於史學凡學術醇疵事機成敗典章沿革人
物臧否箸論抉摘悉中肯綮閒從制舉發揮援古鏡今
沈著痛快義蘊畢宣沁入心脾凌跨前輩海內宗之然
先生之文先生之人爲之耳文以人重非人以文傳也
三百年來以制舉名家者不乏而光燄萬丈如先生者
幾人哉曾子固作顏魯公祠堂記不一語及其法書從
所重也雖然世知先生殉國之烈矣予以爲知先生猶

陶菴集

卷首

祠記

羹

未盡也彼臨難苟免者無論亦有迫於事勢計無復之
而然者要當觀其生平耳先生蚤歲輯知過錄自鑒錄
以檢察身心又與同志起直言社互相鏃礪後更設日
歷畫之所爲夜必書之蓋先生天分清剛學養完粹讀
書細見理眞任道勇飭躬密而總貫之以一誠生平言
行無一不可告人者德脩於己而道根於心故窮達一
觀而險夷一致其仗義死節者時至事起隨方順應本
分然耳豈故爲激烈以要後世之名哉假使身際承平
先生遂一碌碌無奇節之人乎哉先生自有所以爲先

生者在非匹夫感憤自殺者比也由斯以觀氣節猶未
足以盡先生而況於文章乎然則天下之知先生者其
淺也學者由其應用求其本體則慷慨赴義之勇和順
積中之發其於先生或庶幾矣先生字蘊生自號陶菴
久俎豆鄉賢而專祠未立黃平王公泣是邦篤學好古
砥行立節一以先生爲師法振興廢墜百爲具舉捐金
若干兩建祠以祀先生及先生弟偉恭偉恭卽淵耀學
行如其兄死時互以大義相勗勉士論並重之 聖朝
褒獎忠節高出前古而官斯土者以是風勵人心激勸
頽俗可謂知所先務而他政亦可推也已

陶菴集

卷首

祠記

堯

附錄

夏允彝考功集一則

黃進士陶菴哀辭

黃子不偶生大雅寡諧俗羽儀乍高翥結綬非所欲黃
雲暗蒼梧北風號大陸烽火滿吳關下邑勢彌蹙緬彼
二三子登陴自躑躅城郢旣已乖號秦又誰告處死良
獨難苟生何能淑吁嗟烈士心伯仲互相勗威鳳旣在
羅恥與凡禽逐未知沒者悲但見存者辱存沒兩茫茫
思君不可贖

陶菴集

卷首

附錄

又幸存錄一則

陶菴初登第卽知時事已非不受職而歸布衣徒步蕭
然高隱後與侯豫瞻同守城城破偕其弟淵耀入僧舍
自縊仍題壁以不能謀國爲歉生平美行尤多異日史
臣當爲立傳也

李介天香閣隨筆一則

崇禎癸未科文運剝蝕盡矣獨吳江吳日生英偉浩瀚
嘉定黃蘊生博大嚴正然二公不特異其文其識見亦
異是科考選庶常皆百計鑽謀人有爲二公地者二公

棄之不顧策騎出都未幾變作後大兵下江南蘊生
城守死日生起兵太湖死其節義又異天生二公砥柱
三百年文運非僅一科生色也

李更自吟藁一則

哭黃蘊生進士

殺運鍾瀕海清流挺正人文章開闢手聲氣廟廊珍刻
燭詩無敵臨池筆有神凌雲紙價貴承寵錦袍新者碩
虛前席英髦拜後塵羣黎塗炭日國步戰爭辰傳檄瘡
痕起登陣矢石親艱危終授命明哲豈全身仗劍來香
陶菴集卷首附錄

王貞東籬詩艸一則

哭黃蘊生先生

大節素能講臨危豈愛身生難扶國是死可勵人倫殘
血侵牆壁遺言泣鬼神孤城知不守高帝有遺臣

李元植

一則

集杜哭黃陶菴進士

海內文章伯如公復幾人詞華傾後輩得士契無鄰感

激張天步騫飛報主身脊令荒宿艸金石瑩逾新

陸世儀桴亭集一則

弔嶧城黃蘊生

與君未夙昔遙聞始相慕契合在道術不同世趨附君
言會當來事務每回互我亦欲驅車嵇生嬾成惰盈盈
一水間耿耿不得晤風塵天地晦珠玉委埃霧君死我
不知我哭君不顧嗚呼一大儒溝壑畢其遇君死自君
分學者失恃怙臨風動長號淚盡西州路

陳瑚安道集二則

陶菴集

卷首

附錄

空

壬辰三月訪黃陶菴殉節處見壁間血痕縷縷向
空拜而哭之

鈞天帝醉縱難回氣作山河亦壯哉碧血九京懸劔恨
素車雙淚束芻來先生旣沒微言絕後死誰將狂簡裁
還憶方舟江上語曾於舟中論道可憐絲鬢漸相催

和停雲四章

春莫旣望翼王陸子迓子過嶧地多君子夙
奉陶菴之教旣兄談道甚歡越數日將歸隱湖
適讀陶菴和淵明詩多言性命之旨因次其韵

贈別諸同人匪和淵明實和陶菴也

我求友生如嘆瞻雨誰哉同心闢此榛阻既見君子天懷共撫斯文在茲勞我延佇

陶菴有學聿追鴻濛紹我洙泗軼彼姚江春風在庭明

月在窗爾其以歸執鞭相從

維木有華煜煜春榮當秋而實乃見性情各敬爾躬與時惜征無爲中道負此生平

魚潛于淵鳥集于柯孰爲尸之扇以微和嗒然忘言一

語爲多春云莫矣欲別如何

陶菴集

卷首

附錄

奎

陸元輔菊隱集一則

陶菴先生以三事自誓不妄取不二色不談人過

侯元坊月蟬筆露一則

陶菴先生嘗夢謁孔林四顧庭廡雲木蒼然思欲廁於弟子之列而不可得泣然流涕覺後淚猶承睫也

侯壽承壽筆記一則

陶菴先生始至拂水山莊錢氏下榻衾褥皆用錦綺先生不肖臥曰吾父母皆布被吾何忍用此其家人易以

布乃已

朱彝尊靜志居詩話一則

陶菴精於書義融會九經諸史審擇而出之當崇禎之季方以駢儷相尙不知者以爲陳言予叔父芾園先生獨賞心擊節盡以其稟授予讀久之而漸有稱焉者如雅頌得所樂有堂上堂下之分又孔子未嘗刪詩伯鯨未嘗誅死皆至當之論乃邇來選家以其未盡合乎朱子之集注章句痛加塗抹是何異於下士之聞道乎詩亦堅厚無懦響由不惑於楚人之咻然也

鈕琇觚賸二則

陶菴集

卷首

附錄

齋

嚠城黃陶菴先生爲諸生時卽深究性命之學晚年始達以國事日非不冑出就官乙酉城破投筆慷慨搯吭而死陸翼王元輔先生門人也以博學鴻詞召試恍惚見先生入夢大書碧血二字示之

黃陶菴先生少有盛名館於同里侯氏以道義相切劘虞山錢宗伯有一子名孫愛甫成童欲延師教之而難其人商之程孟陽孟陽曰我有故人子嘉定黃蘊生奇士也與同里侯氏交三世矣未可輕致公雅與侯善以情告侯公可得也宗伯乃具厚幣道門下客李生至嘉

定延之李先見侯道宗伯指侯力爲勸駕黃意不悅強而後可遂與李偕至宗伯待以殊禮居浹月孟陽出海棠小箋示黃黃詢倡者爲誰孟陽曰宗伯如君柳夫人作也子於帖括之暇試點筆焉陶菴變色曰忝居師席可與小君倡和乎孟陽曰此何傷我已偕諸君子和之矣陶菴曰先生耆年碩德與主人爲老友固可無嫌諸君子亦非下帷於此者若某則斷不可孟陽慙退

張錫爵鈍閒文鈔一則

重修留碧軒記

陶菴集

卷首

附錄

壹

西林菴在邑城西南隅地頗幽邃其前楹之東偏爲黃先生陶菴與弟偉恭授命之所南華宮詹榻其室曰留碧以當時投繯處壁有血痕故也舊有二黃先生祠在城之東南隅歲久不治乾隆丁丑邑人士醵金修之以其餘貲重葺是軒留兩先生之畫象而奉祀焉方先生之寓書友人也謂當稱前進士深衣幅巾終身不入城市是其初心非必期於死者何捐軀以殉卒若是之烈也夫未登朝受祿則潔身遠遯大節已完而不可責以必死逮徇邑人之請而困守孤城則城亾與亾又天理

民彝之正而無可逃者況改正朔易服色 興朝定制
先生又烏能以深衣幅巾全其軀命乎然則其究亦歸
於不屈而死特因城陷而速之耳先生平日與其友夏
啟霖輩講求性命之學志之純而信之篤其浩乎自得
者窮達不二夷險如一常則嗜仁義爲芻豢變則赴湯
火同衽席城破之日師友兄弟同時併命雖至性過人
乎亦養之者有素也彼立人本朝而臨難畏葸者固不
足論閒有慷慨激發與友共期必死而轉瞬負之者亦
信道不篤而臨事回惑也或曰先生之浩氣其長留宇

陶菴集

卷首

附錄

套

宙者燦爲星辰鬱爲風雷流爲江河凝爲山嶽夫亦安
往而不在且既有專祠矣又何惜此區區留碧之地邪
是又不然夫士之好古也聞其風慕其義往往樂道其
里居姓氏況生其里讀其書拜其象而忍令其遺蹟湮
滅與然則是軀之重葺信不容已而邑人士之於前賢
其用心亦可謂勤矣今而後過斯軒者當肅然生忠存
之心以求盡乎倫紀之大而無負此七尺之軀哉

又寒竿集一則

留碧軒懷古

山羞薦荒祠肅拜生恭敬迤邐尋僧廬地僻軒窗靜竭
力守孤城從容此畢命成仁兄弟俱蹈海師友並豈能
測天心聊欲全我性大節齊衡嵩傭奴欽氏姓碧血照
夜臺榮華視春凌我來植深秋日落邨原暝悲風起喬
柯寒泉咽危徑弔古重徘徊雲中一聲磬

金洪銓十一研山房集一則

重修留碧軒記

二黃先生留碧於西林僧舍老屋數椽厯百餘年矣予
嘗游其地故老爲予言是室中每遇風雨陰晦則先生

陶菴集

卷首

附錄

空

之影鬢髯如戟仿佛當年未斂時景狀僵臥於荒牆碧
蘚閒予竊歎忠義所激致命於一旦其不可磨滅之氣
固宜聚於斯而不散也今牆屋就圯矣招提之興廢靡
定況斯菴僻處城隅幽深而荒寂久之或化爲荆榛瓦
礫之區憑弔者欲問兩先生致命之所茫乎莫知其處
是可憂也會邑人上修先生之祠遂重葺是軒而祀兩
先生之畫象於其中後有進而瞻仰者想見當年從容
就義千秋碧血凜凜如生西林片壤長與日月爭光矣
而邑人士之崇尚節義其風尤近古哉顏之曰留碧南

華張宮詹所題也舊額已毀今爲長洲沈歸愚宗伯重書云

錢大昕潛研堂文集一則

跋黃陶菴札

黃忠節公文章節義彪炳兩間字畫亦得顏魯公三昧此四十幅皆與子翼往還小牘雖信手揮灑全不經意而交誼之真摯居家之儉約取予之不苟皆可得諸語言文字之外公生平不妄交侯銀臺集中亦屢見子翼名知其人必端士也余壻瞿生安槎好藏前賢手蹟購陶菴集

卷首附錄

突

得此本重裝而新之屬余識其歲月

曹仁虎詠典堂集一則

二黃先生祠

風雨危城夜誓師傷心大厦竟難支孤臣齟齬捐生日義士登山並死時海水爭飛悲故國靈旗怒捲返空祠招魂誰作西臺哭寂寞僧寮絕命詞

程攸熙吹影編一則

嘉定有三絕邑宰得陸清獻公後之循吏當茂有過之鄉賢得黃陶菴先生後之人文當茂有過之國母得莊

烈皇后後之閨壺當蔑有過之

彭兆蓀小謨觴館文集一則

黃忠節公書贊

并序

嘉慶昭陽作噩之歲涂月嘉定盛明經薰以其鄉先生黃忠節公所臨千祿字書勒石拓示勁骨端巖毅力蟠鬱楷模魯公蓋由貞軌亮蹟神明相契非在點畫波折閒矣兆蓀近公之居誦公之書比復見公所箸日記悉公研幾克己之密其碩學偉詞成仁授命特性分發見之一端耳展諦翠墨如接光靈再拜聳敬而爲贊曰

陶菴集

卷首

附錄

九

虹光燭霄正氣出指盈牘鋒棱千尋壁峙公文彪炳公節雷碩存養有本心源微茫澄澈冰壺圓靈水鏡準諸孔顏窮理盡性無入不得隨變所遭鋸鏝飴視靈臺弗搖巍峩嚶址珍爍遺翰互歲綿齡星芒雲爛

宋廷選夢橋詩舛一則

訪西林菴黃忠節公留碧處見壁間所書絕命詞

敬題其後

訪古城西路禪關拜烈光盛名餘練水遺墨照粉鄉氣鬱霜華露神飛斗宿藏萋宏留碧處珍重此巖牆

陳文述頤道堂詩集一則

楊行謁黃忠節公祠

百年海內誦高文兄弟同為死節臣立品須從讀書出
盡忠何必受恩身項周末路知難免陳夏前頭好結鄰
吾為此邦來守土荒祠親與薦繁蘋

周岱笑翁類彙一則

西林菴弔黃忠節公

殺身以成仁亦曰義所在人丁崩圻時安得負真宰卽
使隱菰蒲誰病木之魂懿與忠節公登第歲云晚龍血

陶菴集

卷首

附錄

七

戰元黃玉步條焉改寂居家弄中養晦異朝衆殷頑逼
守城城亾更何待遂稟精衛心銜石填淵海自經僧寮
中血痕沁幽境徇烈德不孤競爽得元愷見義勇以為
粉鄉此模楷節甘楮乾坤志壹立鄙猥彼哉脂韋流謬
將轉圜解億萬士裸將靜夜能無悔因懷純儒風瓣香
薦蘭茝

程庭鷺小松圓閣雜箸一則

二黃先生象贊

讀聖賢書行節義事千載一人是其素志自監維嚴臨

難不避運持剝復賴茲正氣

陶菴

發穎巖年名節蚤樹則友其兄師模道矩終賈之儔猶

不屑伍從容授命伯仲踵武

偉恭

周兆魚賓雲仙館詩錄一則

黃忠節公祠

大節完昆弟江湖未仕身乾坤留正氣艸莽殉孤臣餘
事文章重斯人學養純荒祠悲故里無分作遺民

周文禾駕雲螭室詩集二則

書新刊黃忠節公陶菴集後

陶菴集

卷首

附錄

三

吾邑儒林望公爲弟一人名高前進士節小古遺民曰
月光難蝕雲雷遇感屯鶴原有同志弱弟亦成仁

卽以辭章論王遵巖歸品頡頏文心宗五子詩格繼三唐

四庫搜羅備重編校勘詳後生師法在一瓣薰曾香

重有感再題一律

奴驚翁氏石帝惜蕩陰衣不信胡安定翻令此意違生

兄弟授命時口血濺壁顛深入寸許禾少時曾見昆池

之後胡明經起鳳改建西林菴遂爲匠氏毀去庚申之

灰付劫昧谷日旋輝重泐臨終語粉鄉表蹟微亂菴亦

燬於兵燹同人擬將絕命詞重書泐石立諸遺址

汪炤陶春館集一則 以下續輯

謁二黃先生祠

勝國偏安日南中殺氣橫空江飛戰艦落木黯孤城正
朔同時奉訛言是處盈乾坤仍浩劫戎馬復連營月暈
金笳動雲迷戰隼平拜鵠思望帝銜石向滄瀛力竭旌
旄偃時危膚髮輕龍蛇曾有識猿鶴亦堪驚初地方投
足遺臣旋結纓矢忠前進士徇節一諸生碧血凌晨灑
青燐入夜明文章千古重兄弟二難并毅魄山河壯丹
心日月爭藐孤依陸續畢命有侯嬴就義交游志捐軀

陶菴集

卷首

附錄

三

師弟情張纈偏忼慨龔楫自堅貞刃蹈瓊瑤碎淵沈波
浪清雲車同萬里華表憶三更高壘迷松檟空堂薦杜
蘅靈旗光閃閃私祭意怛怛祠廟昭今古巫陽解送迎
蒼茫無限感肅拜氣崢嶸

錢塘漑亭集一則

二黃先生祠堂行

燕關鐵騎從天下畱都一蹴如崩瓦鍾山山陵龍虎地
蕭颯秋風嘶石馬江東二妙起菰蘆一時才望騰高衢
叔子彈琴酒壚畔太常奮臂揮登弧勁兵紛紛上游至

戰鼓沈沈動天地，賀蘭不救睢陽急。袁粲難防石頭潰，
從容視死猶視生。兩公壯節何崢嶸，男兒報君合致命。
豈爲青史傳高名，聖朝盛典古難同。忠孝千秋祀馨
宗君不見漢家冠劍雲臺滿，誰向平陵問義公。

程庭鸞練水畫徵錄一則

黃淳耀字蘊生，一字松崖，又號水鏡居士。崇禎癸未進

士。國朝賜諡忠節。陶菴集中有題自畫人物詩。吳嚶

畫雅稱其有滿城風雨近重陽圖。案忠節公文章節義
爲一代偉人區區藝

事誠不足爲公重。明史列儒林傳中。
據自題及吳嚶畫雅所載補入是錄。

陶菴集

卷首

附錄

壹

補刻舊序

余束髮卽慕陶菴先生文歲乙卯蒞寶邑知楊行有先生祠卽趨謁祠下復得先生文集八卷反覆展誦不能自已作而曰嗚呼此先生之所以慷慨致命從容就義也此先生之所以爲志士仁人也先生於崇禎十六年成進士越一年而明亡又越一年而嘉定城陷卽自裁於城西僧舍論者謂先生尙未服官可無死又謂先生旣守城則不得不死夫可無死之說乃當時偷生苟免之輩之所藉口固不足以論先生卽所云不得不死亦

陶菴集

卷首 補序

七

匹夫匹婦之爲諒計無復之迫而後勉者耳豈足以論先生哉蓋其授命大節不決於城破之日而決於釋褐之日且不決於釋褐之日而決於讀書之日也集中載先生寄弟書云人不爲數千年一人而必欲爲三年一人殊不可解是策名之始早以千秋名義自期矣當讀書陶菴取前賢嘉言懿行著吾師錄以自律嘗曰行一不義取一非有心先死矣又曰身無全軀保妻子之意故一旦遇變卒酬素志非讀書養氣數十年德性堅定裕於平日豈倉卒間而能辦此昔豫讓之報智氏也百

折不回無愧國士王文簡云尙謂其恩怨之見存非天
理民彝之至不若柱厲公叔之於莒敖公爲得其心正
然敖公以衆人遇叔而叔必死報以愧之余謂其理雖
不詭于正而其欲愧敖公之心或猶不能無所憤也若
先生之死非銜恩非激憤直以出身之士同許嫁之女
夫死殉節國亡殉忠行乎心之所安盡其理之在我孔
子云有殺身以成仁無求生以害仁如先生者誠求仁
得仁者歟先生一代完人讀其文無不知其爲忠義志
節之士蓋至誠發越自然流露且蘊蓄於學者深非惟

陶菴集

卷首

舊序

七五

有之實能踐之先生之文先生之志事也余以文集版
片散失訪求舊本補綴完備以廣其傳復綴數語以告
天下之讀先生文者庶知立言立德自有本原士君子
砥礪名節非可輒辦於臨時以冀倉卒中之萬有一得
也至其文之出入唐宋各家沈宗伯王光祿已詳論之
無俟乎余言時嘉慶二年歲次丁巳夏五月後學陳夢
蘭謹序

光緒庚寅莫春邑中釀貲重印公集復得是序因爲
補錄邑後學諸維鈞謹識

黃蘊生先生原名金耀後改名濶耀號松崖因讀書陶菴又以爲號祖籍嘉定其子隱齋寄居於外翁蘇眉聲之室遂家焉地距楊行里許今隸寶山縣境賢裔近八寶庠予司鐸於此數年矣凡先生之嘉言懿行心炙久之其大節著於列傳行狀諸篇旣已採入集中登諸梨棗而所見所聞尙有逸事不敢遺也爰並載之簡端以誌不朽云乾隆辛巳仲夏後學陶應鯤謹識

陶菴本先
生六世祖

清公建因以爲
號改名西林

黃偉恭先生名淵耀號谷廉甲申鼎革後志在隨兄殉

陶菴集

卷首

舊跋

壹

國一日先生自外入見幼弟戲於庭撫其首泣曰大郎汝監子何無知國事至此汝大兄必死節兒死我不忍獨生汝將來不知流落何所尙尔嬉笑耶

其夫前嘗貧困... 寶華亭... 之室... 蘇文... 黃蘇...

參訂姓氏

寶山陶應鵠布侯

邑人黃宗起癩霞

邑人諸維銓衡伯

寶山陳 升同叔

邑人錢同升翔甫

邑人章光旦伯雲

寶山張同福錫侯

邑人諸維鈞仲啟

邑人秦鴻瑞蕉舫

邑人錢師儀寶巖

邑人錢元汾次陽

邑人程嘉樹芸史

邑人周保珪桐侯

邑人周保璋我卿

邑人廖壽恭孟丹

寶山錢 栢遽石

陶菴集

卷首

參訂姓氏

寶山朱 驥肖齋

上海王 安志靜

助刊姓氏

州侯吳承潞廣菴

邑侯許恆身季容

邑侯程其珏序東

學師蔣廷鈞幼儒

仁和王文韶夔石

邑人徐致祥季和

邑人廖壽恆仲山

陶菴集

卷首

助刊姓氏

五七

邑人廖壽恆仲山

邑人徐致祥季和

邑人王文韶夔石

邑人程其珏序東

邑人許恆身季容

邑人吳承潞廣菴

邑人

陶菴集

邑中晉捐移獎各生一款於己卯年稟 縣撥助是
集刻賞

陶菴集

卷首

助刊姓氏

三

樂徵贊

邑中晉捐移獎各生一款於己卯年稟 縣撥助是

